

Ar fornier

Ar fornier a zeu a-za'
Evid mond da geuneuta,
'N eur zerhell eur forh houarn
 En e zaouarn.

Hag e-pad ma hor e forn,
War an taoliou e pep korn,
Ar merhed, hervez ar voaz,
 A vesk o zoaz.

Kerkent ma vez an oaled
Ha rozellet ha skubet,
Warni 'teu d'en em reñka
 Torziou bara.

I.aret 'vefe en eur hiz
Meneh gwenn en o iliz
Oh azeuli o Hrouer
 'Harz an aoter.

Prim ar mên-forn 'vez priet,
'Keid ma weler ar merhed
Oh heja o zava~cher
 'Be~nn mond d'ar gêr.

Da hortoz ar boazadenn,
Ar fornier 'ra e gempenn,
Pa ne zeu tommder e di
 D'e voredi.

E labour a ra er bed
Hep skuiza e damm spered :
Red eo din, O ! va mignon,
 Beza gwirion.